



De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

12 Quorum beneficiorum Ecclesiasticorum sint capaces.

[urn:nbn:de:hbz:466:1-72459](#)

rij commodum, cap. Delictum. 76. de regulis Iuris, in 6. vbi dicitur, *delsitum persone in animum Ecclesia non esse conuerendum.* Ex contractu etiam Monachi non tenetur, nisi quatenus tacite vel expresse ei comissa est aliqua administratio. Si viterius suo vel Monasterij nomine contrahit, probabile est obligari naturaliter, ac teneri dare operam quantum in se est, ut Praelatus approbet. Est tamen in potestate Praelati, contractum ratificare vel irritare, prout commodius ipsi fuerit, ut docet Nauartus comment. 2. n. 42. Vnde is cum quo contraxit, non potest resilire, si Praelatus contractum approbet.

Contra tamen sententia, scilicet ex tali contractu non nasci obligationem naturalem in Religioso, nisi damnum intulerit, est etiam valde probabilis, & plurimorum Doctorum, quos citat Nauarrus. Iuxta quam dici potest, cum cum quo contraxit, non teneri, & possit resilire, nisi post approbationem Praelati ipse quoque ratificet. vide supra cap. 17. dub. 8.

91
st beneficiariu.

Dico Secundò, Si Religiosus habet beneficium extra suum Monasterium vel Ordinem, acquirit non Monasterio, sed beneficio. Est communis sententia DD. colligitur cap. 1. Statutum. 18. q. 1. vbi dicitur, *Religiosum proiectum ad Episcopatum acquirere non Monasterio, sed Episcopatu.* Idē dicensū sū ad Abbatiam extra suum Monasterium, vel ad Prioratum aut Parœciā, etiam illi Monasterio subiectam; ut docet Nauarrus comment. 2. n. 6. Vnde Praelatus non potest illi pensionem de novo imponere, vel fructus in vilitatem Monasterij conuertere, quia ad beneficium pertinent; ut idem docet. Nec obstat quod tale beneficium sit manuale, id quod nuta Superioris dari & auferri possit; quia quādīa obtinetur, ipsi acquiritur, non Monasterio. si tamen iure vel contiuetudine aliqua pensio annua Monasterio soluenda tali beneficio sit imposta, hanc exigere potest.

92
An omnia
beneficio.

Petes, Vtrū omnia, quæ promotus ad beneficium extra suum Monasterium vel Ordinem quouis modo acquirit, cedant beneficio.

Respondeo, Si sit Episcopus, omnia cedunt beneficio; etiam ea quæ successione vel donatione obtinet. Infiniatur d. cap. Statutum: & merito, quia ab Ordine suo est exemplus. Idem dicendum si est Abbas vel Prior in alieno Monasterio; quia tunc est exemplus à suo. De ceteris est distinguendum; si enim habet Parœciā, vel Canoniciatum, vel aliud beneficium, quod habeat corpus bonorum scorsim ab aliis, tunc omnia cedent beneficio. Si autem beneficium non habeat corpus distinctum; tunc ea quæ proueniunt ex beneficio, cedent beneficio; quæ vero aliunde, Monasterio. Ita Nauarrus comment. 4. de Regul. num. 69. hoc modo concilians opinionem Bartoli in L. Seruus communis. 7. de stipulat. seruorum, (vbi dicit Bartolus, Regularē beneficiariū ea quæ ex beneficio accepit, acquirere ipsi beneficio; ea quæ aliunde, Monasterio) cum opinione communi Canonistarum, qui dicunt omnia acquiri beneficio, nihil Monasterio.

93
Regularis
beneficia-
rius an
posse dis-
ponere de
fructibus.

Ex predictis infert Nauarrus comment. 2. de Regul. n. 10. & 11. & tract. de redditibus Eccles. q. 3. monito 25. Regularē beneficiariū posse disponere de fructibus beneficij ad honestam sustentationem sui, & ad pias causas, perinde ac sacerdatis potest de fructibus beneficij sui; & addit

id firmè tenendum. Primo, Quia est sententia Card. Zabar. à toto orbe vñl recepta, & à nemine in theoria reiecta. Secundo, Quia aperte manuatur Clement. 2. s. Sed & tales, de vita & honestate Clericorum: vbi ponitur differentia inter Regularē simplicem & beneficiariū, quod hic ablique facultate Superioris possit immediatè in opera pia impendere, ille non possit. Tertio, Quia omnis titulus canonicus beneficij tribuit facultatem disponendi redditus in sui congruam sustentationem & opera pia. qui enim est administrator beneficij, est etiam administrator fructuum. Quartò, Quia Praelatus non potest illos fructus aut eorum partem mensæ sue applicare, nec imponere nouas pensiones aut antiquas augere, ut expresse habetur Clement. 1. de supp. neg. Praelatorum. quod intelligendum de omnibus Prioratibus, administrationibus, alijſque beneficijs, qua mensæ Abbatis non sunt vñl, & a proprijs Reectoribz administrari solet, etiam illi ad nutum Abbatis renuocari possint, ut ibidem dicitur; ut tacite insinuantur & supponuntur, fructus horum administrandoz esse ab ipsis beneficiarijs.

Hæc sententia est certa, si loquimur de Regularibus, qui pralunt, & non sublunt Praelato Regulari à quo in alijs regantur; vel de ijs, quibus à Summo Pontifice collatio est facta. Verum non est ita certa de alijs, qui ad nutum Praelati possunt amoueri. eti enim Praelatus non possit imponere beneficio pensionem; tamen postquam ex beneficio inferior fructus aliquos percepit, quos in commodum sue Ecclesie non erat impensurus, non videtur à ratione alienum ut Praelatus de illis possit statuere, vel prescribere modum expendendi. vnde Franciscus Sarmiento defensionis sua parte prima, monito 11. contrarium tener. Sed Nauarri sententia videtur verior, nisi priuilegio vel consuetudine memoriam hominum superante contrarium alijcibi sit receptum. Idem docet Nauarrus cum limitatione & distinctione supradicta de omnibus alijs, quæ Religiosus beneficiarius aliunde acquirit. vide consul. 70. de Regul. Vbi tamen Religiosus amotus fuerit, non habet amplius administrationem. vnde si quid pecunie lēcum attulerit ad Monasterium, subest dispositioni Praelati.

94

An enten-
tia Nauarri
sū certa.

D V B I T A T I O X I I .

Quorum beneficiorum Ecclesiasticorum sunt capaces.

Dico Primo, Regularis est capax beneficiorum regularium sui Ordinis; ut sunt Abbatis, Prioratus conuentualis, Prioratus claustral, ^{Est capax} beneficij regulari. Prepositura, Parœcia Monasterio annexa. nam vt Clement. 1. de supp. negl. Praelat. dicitur, *Beneficia regularia Regularibus conferenda sunt.* Imo faculari clerico beneficium, quod per se regulare est, conferri non potest; quia l'ure incapax: nū auctoritate Summi Pontificis; qui etiam idcirco non confert ea nisi in Commandam; quo modo vides mus pastori conferre Abbatias & Prioratus. quod autem sola annexione regulare est, ut sunt quædam Parœcie, potest conferri sacerdali, si regularis non reperiatur idoneus.

Ecc 4

Dico

96
Etiam quo-
rumdam
secularium.
1. Episco-
patus.

Dico Secundò, Est enim Iure communi capax quorumdam beneficiorum secularium.
Primò, Episcopatus, ut aperte habetur cap. Nullus Religiosus. 28. de electione, in 6. vbi eti Pontifex, ut Religiosus sit capax Abbatiae, requirat ut sit expressè professus; addit tamen, id non esse necessarium ut possit eligi ad Episcopatum.

97
Requiri-
tur facul-
tatis Prae-
lati.

Vbi notandum est verbum *eligi*, quo significatur, Iure communi esse idoneum. Si enim aliquid obstat, non posset eligi, sed solum postulari; cap. finali, de postulatione Prælatorum: de quo vide Siluestrum Religio 7. quæst. 6. Idem pater ex cap. Quorundam. 24. de electione, in Sexto, vbi etiam statuitur, ut nemo ex Ordine mendicantium aliquid iuris sibi acquirat ex electione, postulatione, prouisione, ad aliquam extra suum Ordinem Prælaturam, in discordia.

Aduertendum tamen, non posse Religiosum, qui sub potestate Prælati est, consentire in electionem vel promotionem sui ad Episcopatum, vel ad aliud beneficium extra suum Monasterium, nisi petita & obtenta licentia sui Prælati; alioquin consensus est inualidus; & in pœnam illius præsumptionis, electio ipso facto est irrita, ut habetur cap. Si Religiosus. 27. de electione, in Sexto. Posset tamen Prælatus cogi per Superiorum ad concedandam facultatem, si necessitas vel utilitas Ecclesiæ postularet, ut docet Glossa in illud cap. v. Obtenta, referens Tancendum & Bernardum; & Silvester supra q. 3. & 4. Vel potius eo casu recurrendum esset ad Summum Pontificem, ut ipsem, qui est Superior omnium Prælatorum Regularium, facultatem concedat. Porro ut Prælatus consensum validum ad hoc præbeat, non opus est consilio aut consenuſ Conuentus, quamvis id unum sit ex grauioribus Monasterijs causis: ita enim expressè statutum est dicto cap. Si Religiosus. 9. Quia vero; idque ut ordinationes Ecclesiæ ac Monasteriorum, in quibus tales electi exiuerint, celerius & faciliter valent expediti, ut idem Pontifex ait.

98
2. Cura
animarum.

Secundò, Est capax curæ animarum. pater ex cap. Doctos. 21. & multis sequentib. 16. quæst. 1. ex quibus constat, à temporibus Ambrosij conuenisse Monachos ad curam animarum assunti, quod si Monachi, qui ex Instituto vacant tantum contemplationi, possunt ad talia beneficia promoueri, etiam possunt Mendicantes, & alij Regulares; quorum functiones isti officio sunt magis affines. Idem tenet Silvester Religio 7. quæst. 4. ex Panormitano, quod intellige, nisi aliquid particulare statutum Ordinis obstat.

Si Prælatus
habent iuris-
dictionem Epi-
scopalem.

Vbi notandum, Si hoc beneficium pleno Iure subdit Monasterio, non requiri auctoritatem Episcopi ut Religiosus promoueat; sed sufficere voluntatem Prælati Regularis, qui etiam quando placuerit, potest illum amovere, & alium substituere. posset tamen inferior excipere, si probare posset malo animo fieri, ut tradit Nauarrus lib. 3. consil. tit. de Regul. consil. 20. num. 15. Episcopi tamen est illum examinare & visitare, ut pater ex Concilio Trident. sess. 7. cap. 7. & 8. & sess. 24. c. 3. & 18. de reformat. nisi forte Prælatus Regularis ibi iurisdictionem quasi Episcopalem exerceat; nam iis locis ipsius est examinare ad beneficium parochiale, & approbare confessarios: quod & vñus ipse confirmat, cui Episcopi non contradicunt; & ratio quoque probat; nam

talis actus est iurisdictionis, non Ordinis: quare cum ille Prælatus iurisdictionem habeat Episcopalem in suis locis seu terminis, ita ut subdit ipsius non agnoscant vñum superiore illo in spiritualibus præter Summum Pontificem, non est cur illi potestas ad talem actionem denegetur. quae de re vide nostrum Suarem tom. 2. de Sacramentis, disput. 28. sect. 5. Si autem beneficium non subdit Monasterio, præter confenſum Prælati requiritur & auctoritas Episcopi ut promoueat; nec potest à Prælato puniri aut deponi, quia exemptus est ab eius iurisdictione, & subiectus Episcopo. Colligunt Doctores ex cap. 31. In parocchia. 16. q. 1. vide Siluestrum Religio 7. quæst. 11. Quo casu veluti reiecius est à Monasterio, nec amplius eius commodis frui potest, nec habet vocem actuam nec passiuam in Capitulo, ut docet Panorm. in cap. 2. num. 3. de statu Monachorum. translatus enim est à Monasterio ad beneficium secularis. Vnde sequitur, ipsum etiam non habere ius revertendi ad Monasterium & pristinum locum occupandi, etiam si deposito onere reverti velit. sicut enim per translationem illam factum est, ut Prælatus & Conuentus nihil in ipsum iuris habent, nec possint illum reuocare: ita etiam ipse ius redeundi amisit; ut utrumque sit patitas: ut aperte colligitur ex Can. Ne pro cuiuslibet. 16. q. 1. vbi Gregorius I. statuit, ut si quis Monachorum ex aliquo Monasterio ad clericatus officium vel sacrum Ordinem accesserit, non ibi aliquam ultra ius habeat potestatem. Idem expressè tenet Nauar. comment. 3. de Regular. nu. 46. sub finem. & alij passim. Sanè graue onus esset Monasterio, si iam senes, fractos, inutiles officijs monasticis, & moribus sæpe parum religiosis, aut noxijs, teneretur recipere.

Sed quid dicendum, si beneficium ita sit annexum Monasterio, ut debeat à Religioso administrari; Abbas tamen non possit conferre, sed solum præsentare vnum ex suis Religiosis, & institutione fieri debeat ab Episcopo? Videtur enim tunc Religiosus ille beneficiarius exceptus ab obedientia Abbatis, nec posse ab illo reuocari. Resp. Ita sanè videri; quia non est pleno iure subiectum Monasterio, sed solum quoad ius patronatus actuum & passuum, ut ita loquar, id est, ut Monasterium præsenter & præsentetur. Vnde cum Prælatus regularis non possit conferre, sed solum præsenter, non videtur posse auferre, & ita tenet Nauarrus in cap. Non dicatis. num. 7. Hoc tamen limitauerim dupliciter. Primò, nisi aliter in ipsa annexione vel institutione fuerit constitutum; nempe ut Religiosus ille non sit omnino ab obedientia sui Prælati exceptus, & ex causa reuocari ad Monasterium possit. alioquin huiusmodi annexiones effent valde damnoꝝ Monasterijs, & daretur Religiosis illis beneficiarijs occasio dissolutionis vitæ. Secundò, nisi Prælatus ius illud iam legitimè præscriperit seu vñceperit. sufficit autem ad hoc possesso 40. annorum, si nimis Abbas tanto tempore putauerit bona fide se hoc ius habere, gerendo se tamquam Superiore erga illum Religiosum; & ille Religiosus se erga Abbatem tamquam suum Superiore gesserit, habueritq; recursum ad Monasterium tamquam filius Monasterij: vel si Abbas interea aliquoties vñs fuerit auctoritate reuocandi, & nemo se opposuerit.

Tertiò,

99 Tertiò, Est capax dignitatis in Ecclesia sacerdotali, ut Praepositura, & Decanatus, si propriè habent curam animarum secularium; quia ratione huius curæ, ad quam Religiosi in primis videntur idonei, Iure illis concessum est ut possint beneficia habere.

1. Dignitatis. Canonica-sius. Si verò non habent curam animarum nisi respectu Capituli, dubium est. Tamen probabile est esse capacem, quia nusquam prohibetur. Ita Silvester, Religio 7. qu. 4. & 6. ex Panormitanis, & merito, quia hic etiam ratio curæ & doctrinae (ob quæ concessum est illis à iure beneficia obtinere) locum habet. Ad hoc tamen & alia sacerdotalia beneficia non est Regularis promouendus, nisi necessitas vel magna utilitas Ecclesia postulet, ne & Monasteria principis viris spoliuntur, & ambitioni porta aperiatur.

Ad Canonicatum & alia beneficia sacerdotalia Iure communi non sunt habiles. Ita communiter DD. & Panor. in cap. Super eo. 9. de Regulari, & in cap. Quod Dei timorem, de statu Monach. Ratio est, quia in beneficiis simplicibus cessat ratio curæ & doctrinae, ob quam promoto Regulares ad Ecclesiam sacerdotalem est concessa, ut notat Panor. in d. cap. Quod Dei timorem. 5. Vnde nec Episcopus in eo dispensare potest. Accedit, quod hanc ratione daretur occasio orij & mollioris virtutis, contra professionem regularis.

DVBITATIO XIII.

Vtrum Regularis ex suo Ordine possit ad alium transire, & qua ratione.

D. Thom. quæst. 189. art. 2.

100 Possunt transire ad arctiorem. **D**ico Primi, Omnibus Regularibus Iure concessum est, ut possint ad Religionem arctiorem transire; cap. Licet. 18. de Regularibus. hoc tamen non est laudabile, nisi ob notabilitati necessitatem vel utilitatem. Primi, Quia moneret Apost. 1. Cor. 7. ut quisque in vocatione in qua vocatus est, permaneat; quod maximè locum habet in statu perfectionis. Secundi, Quia ex hoc transitu plerumque scandalizantur illi qui relinquuntur. Tertiò, Quia facilius quisque proficit in Religione in qua confidetur, quam in alia, cuius coniuetudines illi sunt peregrinae & insolentes, ut notat D. Thomas 2. 2. qu. 189. art. 8. Quod confirmatur sententia Abbatis Nestorii apud Cassianum collat. 14. cap. 5. Cuique utile est, aut ille, ut secundum propensum, quod elegit, summo studio ac diligentia ad operis arrepti perfectionem peruenire festinet, & nequaquam a sua, quam senil elegit, professione discedat.

Andebat esse absolu-te perfe-c-tior. Dico arctiorem, non perfectiorem, quia in hoc transitu non queritur vita sicut absolute perfectior; (etiam si D. Thomas suprà, Silvester & alii quidam Doctores contrarium non improbabiliter tenere videantur) sed vita arctioris obseruantur, in qua futius & melius possit salutem suam operari, ut colligitur ex dicto cap. Licet. & tenent communiter Canonista. Hinc permititur omnibus Religiosis, etiam Mendicantibus, transitus ad Ordinem Carthusianorum, ut habetur Extraaugante Martini IV. quæ incipit, Viam ambitioꝝ, in communibus; quamvis absolute hic Ordo non

sit omnium perfectissimus. Non est tamen necesse ut illa Religio in omnibus sit arctior; nam Religio Minimorum in viatu est arctior quam Carthusianorum, quia non virtutis ouis nec laetitiae; & tamen posunt huius cultores, cum numerentur inter Mendicantes, transire ad Carthusianos. Idem dicendum de Cappucinis. Religio tamen Carthusianorum est arctior in silentio, & solitudine, & Officii diuinii prolixitate.

Simili modo permittitur Canonicis regularibus ut transirent ad Religionem Monachorum, vbi disciplina bene seruatur, cap. Sanè. 10. de Regulari, quia Monachorum Religio est strictior, ut habetur cap. Quod Dei timorem, de statu Monachorum. Nec obstat cap. Mandamus. 2. & cap. 1. Nullus. 19. quæst. 3. vbi id videtur prohiberi: quia solum prohibetur ne transitus ite fiat cum detimento Ecclesie, vel ex ira, odio, leuitate animi, aliave perturbatione, ut ibidem notat Glossa. Ex Ordine etiam Cluniacensem possunt transire ad Cistercienses, cap. Licet; de Regulari. Denique sicut Mendicantes possunt transire ad Carthusianos, ita vicissim Carthusiani ad Mendicantes; ut docet Nauarrus tit. de Regulari, consil. 68. Silvester Religio, 4. quæst. 6. Paludanus in 4. dist. 38. quæst. 3. art. 1. vbi probat, ex omni alia Religione Iure communi posse transire ad Ordinem Prædicatorum. Idem docet D. Antoninus 3. p. tit. 16. cap. 4. §. 4. citans Ioannem Dom. & Monaldum, qui dicit se vidisse Parisis determinationem factam per Doctores Uniuersitatis illius, fratrem Carthusianum posse Iure communi transire ad Ordinem Prædicatorum regulariter viuentem. Idem docet D. Bonaventura Opusc. Determinatio qq. circa Regulam S. Francisci, c. 12. vbi dicit, ex quolibet Ordine posse Iure communi Religiosum transire ad Ordinem S. Francisci. Hec intentia est probabilis, & maximè procedit iuxta opinionem S. Thonie & allorum Theologorum, qui putant in transitu isto non tam spectandam austerioritatem & solitudinem, quam perfectionem Religiōris & fructum: atqui Religio Mendicantium est perfectior, ut probat Palud. & Anton. supra, quia est Religio Christi & Apostolorum; nobilissimam & Deo gratissimam functionem, nimis propter salutis animalium, milicens contemplationi. Hec intellige de Religione vbi disciplina viget, & transitus sine lite aliove graui incommode fieri potest.

Hic tamen aliqua sunt notanda, Primi, Ut hic transitus sit matura deliberatione, & studio melioris vite. Secundi, Ut petatur licentia à Prælato, (ne obedientia conceperit videatur) qui tentetur eam dare. si non det, hoc ipso lus concedit, ut habetur dicto cap. Licet. Si non petita facultate transire, potest reduci ad prius Monasterium, ut faciat quod Iure debet, iuxta Nauarium de Regularibus, consilio 59. Si tamen non leuitate animi, sed matura deliberatione transiuit, non est reducendus, ut alij tradunt, & colligunt cap. Sanè, de Regularib. Tertiò, Ut Monasterium ad quod transit, non solum Institutio, sed etiam usus & obseruatione sit arctius. Ideo enim fit commutatio, ut ibi sanctius & tutius vivat. Quartò, Debet explere annum probationis, ut docet Nauar. lib. 3. consil. de Regulari. consil. 3. quia Concilium Trident. generatim hunc annum requirit. quo expletio debet profiteri, & iuxta ordinem huius